



Komisija za pravdu, ljudska prava, građanske slobode i jednakopravnost spolova

Broj: 02/9-45-490- 4 /24  
Bihać, 26.8.2024.godine

SKUPŠTINA UNSKO - SANSKOG KANTONA

PREDMET: Prijedlog Odluke o izmjenama Odluke o imenovanju članova Vijeća nacionalnih manjina Unsko - sanskog kantona, dostavlja se,-

U skladu sa članom 34. Poslovnika Skupštine Unsko - sanskog kantona („Službeni glasnik Unsko - sanskog kantona“ br. 9/17 i 11/21) dostavljamo Prijedlog Odluke o izmjenama Odluke o imenovanju članova Vijeća nacionalnih manjina Unsko - sanskog kantona.

#### Obrazloženje

Dana 5.8.2024.godine Komisija za pravdu, ljudska prava, građanske slobode i jednakopravnost spolova zaprimila je zahtjev Udruženja Albanaca Unsko - sanskog kantona kojim su zatražili da se izvrši izmjena Odluke o imenovanju članova Vijeća nacionalnih manjina Unsko - sanskog kantona iz razloga što dosadašnji predstavnik Udruženja Albanaca Unsko - sanskog kantona nije u mogućnosti obavljati predmetnu poziciju zbog bolesti i zahtjev Udruženja Njemaca kojim su zatražili da se iz predmetne Odluke briše delegat Udruženja Njemaca.

Članom 25. stav (2) Zakona o zaštiti prava pripadnika nacionalnih manjina u Unsko - sanskom kantonu („Službeni glasnik Unsko – sanskog kantona“ broj: 4/12) propisano je da Skupština Kantona, tokom trajanja mandata, može provesti postupak zamjene člana Vijeća, na prijedlog udruženja pojedine nacionalne manjine koja ima registrovano sjedište na teritoriji Kantona i Komisije za pravdu, ljudska prava i građanske slobode i jednakopravnost spolova Skupštine Kantona, uz navođenje opravdanih razloga za predloženu zamjenu.

Komisija je razmotrila predmetne zahtjeve sa priložima te utvrdila da su ispunjene sve zakonske odredbe za donošenje Odluke o izmjenama Odluke o imenovanju članova Vijeća nacionalnih manjina Unsko - sanskog kantona.

Shodno navedenom, u prilogu akta dostavljamo Prijedlog Odluke o izmjenama Odluke o imenovanju članova Vijeća nacionalnih manjina Unsko - sanskog kantona na dalje postupanje.

Dostavljeno:

1. Naslovu,
2. U spis.



Predsjedavajuća Komisije  
Aida Pašić

Na osnovu člana 25. stav (2) Zakona o zaštiti prava pripadnika nacionalnih manjina u Unsko - sanskom kantonu („Službeni glasnik Unsko – sanskog kantona“ broj: 4/12) i člana 95. Poslovnika Skupštine Unsko – sanskog kantona („Službeni glasnik Unsko – sanskog kantona“ br. 9/17 i 11/21), postupajući po zahtjevu Udruženja Albanaca Unsko - sanskog kantona i Udruženja Njemaca, na prijedlog Komisije za pravdu, ljudska prava, građanske slobode i jednakopravnost spolova, na \_\_\_\_ redovnoj sjednici održanoj dana \_\_\_\_ 2024.godine, Skupština Unsko - sanskog kantona donosi:

**ODLUKU**  
**o izmjenama Odluke o imenovanju članova Vijeća nacionalnih manjina**  
**Unsko - sanskog kantona**

**Član 1.**

Ovom Odlukom mijenja se Odluka o imenovanju članova Vijeća nacionalnih manjina Unsko - sanskog kantona u osnovnom tekstu („Službeni glasnik Unsko - sanskog kantona“, broj: 1/21 i 21/22).

U članu 1. tačka 2. mijenja se i glasi:

„Sandra Krasnići - delegat ispred Udruženja Albanaca Unsko - sanskog kantona iz Velike Kladuše“.

Tačka 5. briše se.

**Član 2.**

Imenovani delegat iz člana 1. ove Odluke imenuje se na preostali period do isteka mandata svih članova Vijeća i obavezan je Uredu za borbu protiv korupcije Unsko - sanskog kantona podnijeti prijavu imovine u skladu sa odredbama Zakona o prijavljivanju i postupku provjere podataka o imovini nosioca javnih funkcija u Unsko - sanskom kantonu („Službeni glasnik Unsko - sanskog kantona“, broj: 17/22, 10/23 i 20/24).

**Član 3.**

Ova Odluka stupa na snagu danom donošenja i objaviće se u „Službenom glasniku Unsko – sanskog kantona“.

Broj: 01/1-2-45-\_\_\_\_/24  
Bihac, \_\_\_\_ 2024.godine

Predsjedavajući Skupštine  
Unsko-sanskog kantona  
Zikrija Duraković

## O B R A Z L O Ž E N J E

### Prijedloga Odluke o izmjenama Odluke o imenovanju članova Vijeća nacionalnih manjina Unsko – sanskog kantona

#### I. PRAVNI OSNOV

Pravni osnov za donošenje prijedloga Odluke o izmjenama Odluke o imenovanju članova Vijeća nacionalnih manjina Unsko – sanskog kantona sadržan je u članu 25. stav (2) Zakona o zaštiti prava pripadnika nacionalnih manjina u Unsko - sanskom kantonu („Službeni glasnik Unsko – sanskog kantona“ broj: 4/12) kojim je propisano da Skupština Kantona, tokom trajanja mandata, može provesti postupak zamjene člana Vijeća, na prijedlog udruženja pojedine nacionalne manjine koja ima registrovano sjedište na teritoriji Kantona i Komisije za pravdu, ljudska prava i građanske slobode i jednakopravnost spolova Skupštine Kantona, uz navođenje opravdanih razloga za predloženu zamjenu.

#### II. RAZLOZI ZA DONOŠENJE

Dana 5.8.2024.godine Komisija za pravdu, ljudska prava, građanske slobode i jednakopravnost spolova (u daljnjem tekstu: Komisija) zaprimila je zahtjev Udruženja Albanaca Unsko - sanskog kantona kojim su zatražili da se izvrši izmjena Odluke o imenovanju članova Vijeća nacionalnih manjina Unsko - sanskog kantona iz razloga što dosadašnji predstavnik Udruženja Albanaca Unsko - sanskog kantona nije u mogućnosti obavljati predmetnu poziciju zbog bolesti, te su u prilogu zahtjeva dostavili Odluku Skupštine Udruženja iz koje je vidljivo da se Sandra Krasnići imenuje da zastupa i predstavlja Udruženje Albanaca u Vijeću nacionalnih manjina.

Također, Komisija je isti dan zaprimila zahtjev Udruženja Njemaca kojim su zatražili da se iz predmetne Odluke briše delegat Udruženja Njemaca iz razloga što je Udruženje prestalo sa radom, te su u prilogu zahtjeva dostavili fotokopiju Rješenja Ministarstva pravosuđa i uprave iz kojeg je vidljivo da je Udruženje brisano iz Registra Udruženja Unsko - sanskog kantona.

Shodno navedenom, Komisija je razmotrila opravdanost zahtjeva i utvrdila da su ispunjene sve zakonske pretpostavke, te je primjenom odredbe člana 25. stav (2) Zakona o zaštiti prava pripadnika nacionalnih manjina u Unsko - sanskom kantonu utvrdila Prijedlog Odluke o izmjenama Odluke o imenovanju članova Vijeća nacionalnih manjina Unsko – sanskog kantona i isti uputila u dalju skupštinsku proceduru.

#### III. FINANSIJSKA SREDSTVA

Za donošenje ove Odluke nisu potrebna dodatna sredstva u Budžetu Skupštine Unsko-sanskog kantona za 2024.godinu.

Predsjedavajuća Komisije  
Aida Pašić s.r.

